



XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

RESOLUCIÓN DO 5 DE NOVEMBRO DE 2019 DA XEFA TERRITORIAL DA CONSELLERÍA DO MAR EN VIGO POLA QUE SE CONVOCA O PROCESO SELECTIVO PARA O ACCESO AO PERMISO DE EXPLOTACIÓN NA MODALIDADE DE MARISQUEO A PÉ DA CONFRARÍA DE CAMBADOS

ANTECEDENTES

I. A Orde do 20 de decembro de 2018, pola que se aproba o Plan xeral de explotación marisqueira para o ano 2019, aproba o plan de explotación de marisqueo a pé da confraría de pescadores de Cambados no que se contempla a ampliación de doce (12) permisos de explotación.

II. A Confraría de Cambados coa conformidade da Agrupación de Mariscadores solicita, con data 15 de outubro, o inicio do proceso selectivo no marisqueo a pé.

CONSIDERACIÓNS LEGAIS E TÉCNICAS

I. Esta Xefatura Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.

II. A Orde do 15 de xullo de 2011, pola que se regula o permiso de explotación para o marisqueo a pé, regula nos artigos 6 e seguintes o procedemento para a obtención do permiso de explotación.

III. As solicitudes que se presenten valoraránse de acordo co establecido na Resolución do 12 de novembro de 2013, da Dirección Xeral de Desenvolvemento Pesqueiro, pola que se aproba o baremo para obter o permiso de explotación para o marisqueo a pé.

De acordo co anteriormente indicado, RESOLVO:

Convocar o proceso selectivo para a cobertura de doce (12) prazas de marisqueo a pé para o exercicio da actividade extractiva no ámbito territorial do plan de explotación de marisqueo a pé, na confraría de pescadores de Cambados. As bases desta convocatoria son as que están recollidas no anexo A.

Contra esta resolución, que non pon fin á vía administrativa, poderá interpoñer recurso de alzada ante a Conselleira do Mar no prazo dun mes que se contará a partir do día seguinte ao que se notifique esta resolución, de acordo co establecido nos artigos 122 e seguintes da Lei 39/2015 do 2 de outubro, do Procedemento Administrativo das Administracións Públicas.

A xefa territorial
Sonia Lorenzo Santos





ANEXO A

BASES DA CONVOCATORIA

I. Normas xerais

I.1. O obxecto do proceso selectivo será a cobertura de doce (12) prazas de marisqueo a pé na confraría de Cambados.

O proceso desenvolverase en dúas quendas, unha xeral e outra para aquelas persoas que se atopen en circunstancias socio-económicas de especial necesidade.

I.1.1. Esta Xefatura Territorial acolléndose ao disposto no artigo 6.4 da Orde do 15 de xullo de 2011, pola que se regula o permiso de explotación para o marisqueo a pé, acorda que do total de prazas convocadas reservárase unha (1) praza para ser cuberta por persoas que acrediten circunstancias socio-económicas de especial necesidade, co fin de facilitar a incorporación de persoas con risco de exclusión social ao mercado laboral.

Aos efectos desta convocatoria considerarase que se atopan en circunstancias socio-económicas de especial necesidade:

- a) Os perceptores da renda activa de inserción.
- b) As persoas perceptoras da renda de integración social de Galicia.
- c) As persoas que acheguen un informe dos servizos sociais das administracións públicas no que se acredite que se atopan en situación de risco de exclusión social.

No suposto de que esta praza non sexa cuberta pasará a integrarse ás prazas da quenda xeral.

Se algún dos candidatos en circunstancias socio-económicas de especial necesidade reúne a puntuación suficiente para ser seleccionado pola quenda xeral, incluírase nesa quenda; en caso contrario, figurará na quenda especial.

Os candidatos en circunstancias socio-económicas de especial necesidade que non resultaren seleccionados pola quenda especial serán incluídos por orde de puntuación na lista conxunta de non seleccionados.





XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

I.2. Requisitos dos candidatos para a obtención do permiso de explotación

Para obter o permiso de explotación as persoas aspirantes deberán cumprir no día de finalización do prazo de presentación de solicitudes e manter ata o momento da expedición do permiso de explotación, os seguintes requisitos, consonte ao artigo 17º do Decreto 425/1993, do 17 de decembro:

- a) Estar empadroadada nun municipio do litoral de Galicia.
- b) Ser maior de 18 anos ou menor emancipada e non superar a idade esixida para ter dereito á pensión de xubilación, na súa modalidade contributiva, conforme ao previsto na normativa da seguridade social.
- c) Non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. As persoas perceptoras da renda de integración social en Galicia poderán acceder ao proceso de selección, pero deberán renunciar a ela no momento do outorgamento do permiso de explotación (*ver apartado III*).
- f) Non estar incapacitada para exercer as labores de marisqueo.

I.3. Solicitudes, documentación, prazo e lugar de presentación

I.3.1. As persoas que desexen presentarse ao proceso selectivo, deberán facelo constar mediante unha instancia que se axustará ao modelo que se publica na Orde do 15 de xullo de 2011 pola que se regula o permiso de explotación para o marisqueo a pé, que se achega como anexo D, e que figura actualizado na guía do cidadán da páxina web <http://www.xunta.gal> (<https://sede.xunta.gal/doc-invia/rest/anexos/3679>).

Xunto coa instancia asinada presentárase:

- a) Xustificante de ter aboadas as taxas correspondentes. A presentación do xustificante do ingreso das taxas sen o selo da entidade bancaria con indicación da data determinará a exclusión do aspirante. En ningún caso a presentación deste xustificante suporá a substitución da presentación en tempo e forma da solicitude.
- b) Copia do documento nacional de identidade. Esta copia só se presentará no caso de non acreditar consentimento expreso para comprobar os datos de identidade mediante consulta ao sistema de verificación de datos, dacordo co Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización dos medios electrónicos, e a Orde do 7 de xullo de 2009, pola que se desenvolve o antedito decreto.





XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

c) Documentación que acredita cada un dos criterios a ter en conta segundo o baremo aprobado pola entón denominada Dirección Xeral de Ordenación e Xestión dos Recursos Mariños para a valoración das solicitudes presentadas:

c.1) Demandante de emprego:

- **Informe de períodos de inscrición do Servizo Público de Emprego, actual, xunto co informe actualizado da vida laboral.**

c.2) Formación:

- Copia dos diplomas, acreditacións ou certificados de asistencia a cursos relacionados coas materias indicadas no baremo.

Tan só se valorarán aqueles cursos que estean finalizados na data de publicación da convocatoria e que figuren inscritas no catálogo de actividades formativas, de conformidade co establecido no **anexo C (última actualización 01.07.2019)**.

- Documentación que acredite a titulación académica.

c.3) Estar empadroado nun concello do ámbito territorial do plan de explotación conxunto de marisqueo a pé da confraría de Cambados (concellos de Cambados, Vilanova de Arousa e Ribadumia):

- Certificación actual de empadramento no que conste a **antiquidade**.

d) As persoas que participen na quenda na que se consideran as circunstancias socio-económicas de especial necesidade deberán presentar ademais da documentación indicada nos apartados a), b) e c) anteriores:

- unha certificación acreditativa de ter dereito á percepción dalgunha das prestacións arriba indicadas, expedida polo órgano encargado da súa xestión

- ou no seu defecto, un escrito asinado pola persoa solicitante que indique que é receptor da RAI ou RISGA

- ou informe dos servizos sociais no que se indique que se atopa en situación de risco de exclusión social.

1.3.2. As solicitudes presentaranse directamente ou a través das entidades asociativas do sector, no prazo de quince (15) días hábiles, que se contarán a partir do día seguinte ao que se publique esta convocatoria no taboleiro de anuncios das xefaturas territoriais e na páxina web <http://www.mar.xunta.gal>, e dirixiranse á Xefatura Territorial da Consellería do Mar de Vigo.

As solicitudes e a documentación acreditativa, deberán presentarse preferiblemente





galicia

XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) de acordo co establecido nos artigos 27 da lei 11/2007, do 22 de xuño, de acceso electrónico dos cidadáns aos servizos públicos e 24 do Decreto 198/2010, do 2 de decembro, polo que se regula o desenvolvemento da administración electrónica na Xunta de Galicia e nas entidades dela dependentes.

Opcionalmente, tamén se poderán presentar en soporte papel en calquera dos lugares e rexistros establecidos no artigo 16.4 da Lei 39/2015, do 2 de outubro, utilizando o formulario normalizado dispoñible na sede electrónica da Xunta de Galicia.

I.4. Emenda da solicitude

Logo de rematar o prazo de presentación de instancias, de acordo co disposto no artigo 68 da Lei 39/2015, do 2 de outubro de Procedemento administrativo das administracións públicas, se a solicitude non reúne os requisitos formais, requiriráselle ás persoas interesadas, para que nun prazo de dez (10) días hábiles, a emenden, con indicación de que, se así non o fixesen, se lles terán por desistidas das súas peticións, logo dunha resolución expresa.

A notificación, por tratarse dun acto integrante dun procedemento de concorrencia competitiva e de conformidade co establecido no artigo 45 da Lei 39/2015, do 2 de outubro realizarase mediante publicación no taboleiro de anuncios da xefatura territorial e na páxina web <http://www.mar.xunta.gal> e producirá os mesmos efectos que a notificación individualizada. Esta publicación tamén se realizará, con carácter informativo, nos taboleiros de anuncios das Xefaturas Comarcais de Pontevedra e Vilagarcía de Arousa, así como no taboleiro de anuncios da confraría.

II. Baremación e lista provisional

As solicitudes que cumpran os requisitos establecidos serán admitidas ao proceso selectivo e serán baremadas consonte o baremo aprobado por Resolución do 12 de novembro de 2013, da Dirección Xeral de Desenvolvemento Pesqueiro, que figura como **anexo B** da presente convocatoria.

A cualificación do proceso selectivo virá determinada pola suma das puntuacións obtidas nos distintos conceptos baremables.

A valoración do tempo transcorrido como desempleado considerarase sempre que sexa demandante de emprego (non mellora de emprego) debidamente acreditado na data da publicación da convocatoria. Valorarase o tempo inscrito como desempleado durante un máximo de 1 ano contando dende o día anterior á data de publicación da convocatoria.

Logo de baremar as solicitudes a Xefatura Territorial publicará unha resolución coa relación provisoria de admitidos con indicación da puntuación acadada por cada un das persoas solicitantes. Nesta relación recolleranse, tamén, as persoas excluídas do proceso e as causas da dita exclusión.





XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

Concederáselles aos solicitantes un prazo de quince (15) días hábiles para os efectos de presentación das alegacións que se consideren oportunas. As alegacións que se presenten, non se contestarán expresamente e de xeito individualizado, aínda que, se é o caso, si se terán en conta para a puntuación definitiva.

III. Listaxe de seleccionados e presentación de documentación

- Empates:

No suposto de empate nas puntuacións de dous ou máis aspirantes, este resolverase consonte o disposto na Resolución do 12 de novembro de 2013, da Dirección Xeral de Desenvolvemento Pesqueiro, pola que se aproba o baremo para obter o permiso de explotación para o marisqueo a pé, que figura como anexo B desta convocatoria.

- Lista de seleccionados e lista de reserva:

Rematado o proceso selectivo e resoltos os empates, a Xefatura Territorial publicará unha resolución coa relación definitiva de seleccionados, pola quenda xeral e pola quenda na que se consideran as circunstancias socio-económicas de especial necesidade que superaron o proceso selectivo, por orde das puntuacións acadadas, así como unha relación daquelas que non o superaron.

Os aspirantes que non superaron o proceso selectivo (a lista de non seleccionados), constituirán unha **lista de reserva**. Os candidatos da quenda de circunstancias socio-económicas de especial necesidade serán incluídos nesta lista pola orde da puntuación obtida.

A lista de reserva terá unha vixencia dun (1) ano, que se contará dende o día seguinte á data da resolución definitiva da Xefatura Territorial.

Esta resolución publicarase no taboleiro de anuncios da Xefatura Territorial da Consellería do Mar e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios das Xefaturas Comarcais de Pontevedra e Vilagarcía de Arousa da Consellería do Mar, así como no taboleiro de anuncios da confraría.

- Certificado de mariscador:

Consonte ao artigo 17º do Decreto 425/1993, do 17 de decembro, o certificado de mariscador é un requisito imprescindible para a obtención do permiso de explotación. Os aspirantes seleccionados que non posúan o certificado de mariscador terán que realizar o curso a primeira vez que sexan convocados, salvo causa debidamente xustificada, pola Dirección xeral de Desenvolvemento Pesqueiro para poder obter o permiso de explotación de marisqueo a pé.

O feito de figurar na relación de admitidos non prexulga que se lles recoñeza aos interesados a posesión dos requisitos esixidos no procedemento que se convoca.





XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

Cando da documentación que debe presentarse, no caso de superar o proceso selectivo, se desprenda que non posúen algún dos requisitos esixidos, os interesados decaerán en todos os dereitos que puideran derivar da súa participación no procedemento, a excepción dos perceptores da renda de integración social de Galicia que deberán renunciar a ela no momento da concesión do permiso de explotación e dos seleccionados que non posúan o certificado de mariscador, que terán que obtelo.

- Presentación de documentación:

A partir do día seguinte ao da publicación da relación definitiva das persoas que superaron o proceso selectivo, os aspirantes disporán dun prazo de quince (15) días hábiles para a presentación dos seguintes documentos:

a) Certificado de estar empadroado nun municipio do litoral de Galicia.

A documentación que acredita estar empadroado nun municipio do litoral de Galicia non será necesario que se presente no caso de consentimento expreso da persoa interesada, para comprobar os datos de residencia mediante consulta ao sistema de verificación de datos dacordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptor de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.

Esta documentación non será necesario que se presente no caso de asinar o consentimento expreso da persoa interesada para consulta destes datos.

Os perceptores da renda de integración social de Galicia, deberán renunciar a ela no momento da concesión do permiso de explotación.

c) Informe médico que acredite non estar incapacitado para exercer os labores de marisqueo.

d) Copia compulsada do certificado de mariscador. Non será necesario presentar esta copia compulsada no caso de asinar o consentimento expreso da persoa interesada para consulta destes datos.

Os aspirantes seleccionados que non posúan o certificado de mariscador terán que realizar o curso correspondente para poder obter o permiso de explotación de marisqueo a pé.

e) Dúas fotografías de tamaño carné actuais e iguais, co seu nome escrito por detrás.





galicia

XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

Se os interesados, dentro do prazo fixado, non presentasen a documentación ou do exame desta se deducise que carecen dalgún dos requisitos sinalados na base I.2, denegarase a súa solicitude.

Neste suposto, emitirase unha nova resolución na que se declaren seleccionadas as persoas correspondentes que figuren na lista de non seleccionados.

IV. Outorgamento do permiso de explotación

De acordo co disposto no Decreto 425/1993, do 17 de decembro e a Orde do 15 de xullo de 2011, para a resolución favorable do procedemento, as persoas seleccionadas que presentaron a documentación dentro do prazo establecido non poderán ter sancións firmes en vía administrativa en materia de protección de recursos mariños, pendentes de pagamento.

A xefatura territorial ditará resolución concedendo ou denegando o permiso de explotación para o marisqueo a pé, conforme ao establecido no artigo 6 do Decreto 425/1993, do 17 de decembro de 2013.

